

2.

# REFUTATIO EMISSARUM PARTE <sup>pro</sup> SVECICA CAUSARUM

Quibus prætendunt  
REG. M<sup>TEM</sup> SVEC:

*Principiæ adductam*  
**DUCEM CURLANDIÆ**  
è Ducatu suo in custodiam abducendi,

*Cum*  
**OPPOSITIONE**  
**Verarum Impulsionum**

Quibus Rex Sveciæ ad inexcusabile hoc &  
Christiano indignum facinus contra innocen-  
tissimum & Pacis amantissimum Cur-  
landiæ DUCEM se seduci  
palsus est.



Nter alia, quibus se omnibus candidis & minimè partium studiosis tam supremi, quam infimi subsellij hominibus suspectos, suasq; actiones fastidas & odiosas reddidere Sveci, non minimum est illud in laudatissimum Curlandiae Ducem commissum facinus.

Intempestivus quidem aliquis à Parte Svecica declamator, prolixis admodum & undiq; compilatis circumstantijs iniquum hunc processum, peregrino vocabulorum & picto orationis genere colorare ausus est; invitum tamen confiteri oportet, Ducem à Reginâ Christinâ Neutralitatem obtinuisse; quamvis arbitretur, illam, utpote aliquot ante annis, quam ad bellum & apertam hostilitatem deuentum esset, obtentam, neque à moderno Rego sed solùm à Reginâ Christinâ concessam, certisq; conditionibus & legibus restrictam, quæ, ut sibi persuadet, à parte Ducis non observata & impletæ sunt, nullius valoris esse.

Quamvis verò varij illo scripto contenti, & fundamento destituti discursus, ipso intuitu vani, & sufficienter antea confutati sint in gratiam tamen illorum, qui veritatem diligunt, medijs destituti omnia penitus & ex amissi indagandi; & præsertim ne Medano huic scripto ob silentium fides habeatur, operæ pretium esse duximus sequenti informatione remuberius exponere.

Postquam, vigore Pactorum induciarum Stumbdorffianarum 26. annorum, Procuratorium munus Pacis, Duci Curlandiae (utpote cuius, habitâ ratione sui Ducatus, in quo prioribus annis proh dolor! æruminabile bellum Sueicum primordium cœperat; plurimum intererat, paci frui) impositum esset; initio statim suscepit Regiminis, omni, quā poterat diligentia & studio, salutiferum hoc opus Tractatum Pacis, apud utrasq; Poloniæ & Sveciæ Coronas, tam per delegatos, quam crebras literas

(prout ipse fatetur discurrens) quam instantissimē urgebat; donee eō res  
devenit, ut, cūm utriusq; coronæ legati cum Dominis Mediatoribus  
binis vicibus Lubecæ convenissent; Illi, à parte Svecicā constituti, in præ-  
liminaribus subsisterent, & licet ab alterā parte æquisimæ proponeren-  
tur conditiones, quibus, quod forsitan in Præliminaribus desiderabatur,  
refarciri, & nihilominus ad id, quod caput & summa rei erat, progressus  
fieri potuisset, impossibile tamen facta fuit, utut maximoperè laborarent,  
& eō omnes vires intenderent Domini Mediatores, Svecos à præconceptâ  
opinione dimovere: quō pacto non major ex posteriori quam priori con-  
ventu fructus redundavit. Verū cum Domini Commissarij Svecici, §  
prædictorum Pactorum: Quod si Pacis Tractatus semel atque iterum non  
successerint &c. Perversè & contra sensum explicare non erubescerent,  
unicè eo inclinantes, ut sumptuosum iteratâ vice institutum congressum  
eluderent, nil certè aliud exinde præsumi poterat, quam omnia à parte  
Svecorum sub prætextu quidem pacifici animi, reverè autem ideo facta  
esse, ut causam haberent quocunq; modo à pactis Stundorffianis receden-  
di, & vinculum illud prædictarum induciarum, utut firmissimum, leviter  
& frivolè, prout eventus docuit, dissolvendi.

Quo præviso, Dux, tanquam Princeps prudentissimus, spe tamen  
fretus, Svecos fidem datam, stipulationes, manum & sigilla, non secus ac  
tempore Regis Gustaphi Adolphi inviolabiliter servatuos, nihil Ducatu  
suo magis conducibile existimabat; quam, ad Exemplum Domini Ante-  
cessoris antè Neutralitatem impetrare, quam ignis in cineribus jā tum  
gliscens, in flammarum erumperet.

Missis ideo quibusdam ad Serenissimam tunc temporis regnantem  
Christinam Reginam, Regniq; Senatores; debito modo, in omnem e-  
ventum, Neutralitatem petebat: quam S. R. Majestas & Dni. Senatores,  
post multas consultationes & deliberationes, in solennissimâ formâ, &  
quidem, non ut simplicem & nudam Neutralitatem, mutatione temporis,  
occasionis & status Ducatus, pro lubitū, immutandam; Verū ut perpe-  
tuam à S. Majestate & Regni Successoribus, sanctè, firmè & inviolabiliter  
servandam, concedebant.

Verū equidem est, prout Instrumentum Neutralitatis (Svecicæ  
fidei annexum) evidenter demonstrat, sèpè dictam Neutralitatem perpe-  
tuam, certis conditionum cancellis inclusam esse; quatenus nempe yicissim  
obser-

observatione earundem Dux teneretur; Verum Declamator non veretur dicere, eandem Neutralitatem tanquam rem levem (non illam perpetuam dicit & à Proceribus Regni, sed à Christinâ Reginâ solum datam, quia sorsa suo instituto non convenit) nullius valoris & roboris esse: Primò, quia aliquot annis ante bellum initium obtenta: Secundò, quia non à moderno Rege Carolo Gustavo concessa. Quasi verò Christinæ Reginæ Regia potestas tam brevi temporis intervallo, modis & horis circumscripta fuerit; ut extra illa, Regiam suam clementiam, gratiam & favorem. Duci conferre non potuerit, modernumq; Regem non teneri, ejusmodi solemnia acta Antecessorum suorum (quæ perpetuum Robur habere debent) præfertim tantæ suæ Benefactricis Manum & Sigilla reverenter & inviolabiliter servare, quod pluribus in Svecica fide deductum est: Existimat quoque conductius ille Discurrens, leges citatas prænominatæ Neutralitatis à parte Ducis minimè observatas, quin potius ijsdem è Diametro repugnatum esse: quâ de re multa quidem verba facit, nil quicquam certioribus argumentis confirmat, & in aeternum rationibus vero consonis, fidem verbis facere non poterit: Nihilominus tamen non solum in colorando & palliando in Ducem commisso facinore summoperè laborat iste Nugigerulus; Sed in eo quoque (uti videtur) non acquiescunt Sueci, se contra datam fidem, stipulationes, honorem & conscientiam, manum & sigilla Ducem spoliasse, expilasse, Ducatu privasse, & deniq; cum totâ Illustrissimâ Ducali familiâ abductum, in hunc usque diem ibidem strictissimâ custodiâ, quâ tandem si non ex mœrore & animi ægritudine, defectu tamen commeatus miserè ipsis moriendum & per eundum est,) asservare, sed insuper apud genuinum Dominum Serenissimum Regem Poloniæ Procerosq; Regni celebratissimos in juriosè & obtrectatoriè diffamare; ac si diu antea absolutus absq; recognitione superioris esse & absolutum in Nobiles & Ordinem Equestrem dominium habere affectasset. Omnia, in hunc unicè finem, ut malè audiret ab omni culpâ remotus Dux, à S.R.Majestate derelinqueretur, Domini Senatores Regni, instantibus Pacis Tractatibus nullam prorsus ejus curam habent, suiq; Nobiles & ordo Equestris extremè ipsum aversarentur.

Verum, toti ferè orbi doli & technæ Svecorum jam innoueré, è contra cuivis, qui Ducis notitiam habuit, satis superq; perspectum est, ipsum, utpote singulari à Deo intelligentiâ, sagacitate, & prudentia præditum

& à Natura candido verè & ingenuo animo ornatum, non latere potuisse, Ducatum inter ejusmodi vicinos, quos semper suspectos haberet, situm, quibus utpote viribus impar, solus resistere non posset: & propterea toties sibi oblatum à Svecis absolutum Dominium (uti pluribus sequetur,) respuisse. Tantum abest, ut illud inhiarit, quin potius clementissimo Dōmino suo Rege Poloniæ contentus constantissimè animum induxerat, se juramento, Sac: Reg: Majestati & Corona Polonæ, præstito, tanquam Vasallum ad ultimum vitæ halitum firmissimè & immotè inhæsurum. Absoluti quoque Domini desiderium in Ducatus sui Nobiles & Equestrem ordinem, tanquam liberam Nobilitatem, nunquam illum incessit; Siquidem Illi Ducem, ut Verum & naturalem Dominum & Principem respectu & obedientia non invitè prosequabantur; Ut hinc eo magis Sac: Reg: Majestas Dominiq; Senatores, Nugivendi hujus Svecici prolixis ineptijs non alio quam calumniarum & figmentorum nomine acceptis in constanti Regiâ gratiâ & favore erga Ducem utpote fidelissimum Vasallum perseverandi causam habeant.

Mirandum tamen est, quas porrò consequentias Duci affingere audiat Somniator; ac si cum Russis & Lithuanis commercium, ad civitatem Mytoviensem devolvere, animum induxit: quasi verò adeo simplex esset, ut nesciret, æquè impossibile esse factu Russicum Commercium. Mytoviam versus detorquere, quam fluvium Dunam eò derivare: accedit, Civitatem Rigensem minimè hoc concessuram: & quid deniq; lucri Duci exinde sperandum? quippe cui nihil optatus, quam pace gaudere, tantum abest, ut sibi negotia facessere bella & damna in sui perniciem cicer voluerit. Manufacturis, quantum Aulæ Necessitati sufficiebat, non im- merito usus est. Naves quoque non propter Mytoviam, (quoniam nullæ carum unquam pervenit, utpote operæ pretium non factura,) sed propter alios usus extrectæ; proinde non est, quod Declamator Svecicus circa peregrinas res sollicitus tantis distrahitur curis.

Sed ad priora & Pacis Tractatus revertamur. Postquam S. R. Mts, Pol. ad Regis Sueciæ, ejusdemq; Regni Procerum literas, cupidissimum Pacis animum contestatur, Plenipotentiarijs suis Commissarijs Stockolmiam allegatis, Ducem Procuratorijs sui muneri admonuisset; nil quicquam in se desiderari passus Dux Cancellarium suum, ut antea Lubecam quoque Stockholmiam sufficienti instructione, credentialibus & pluri-

ribus requisitis amandavit. Qui, ut illuc devenit, ad audiētiam à Rege  
admissus, omni quā par erat, observantia & reverentia creditivas literas  
porrexit, nullius oblatæ subjectionis (ut Nugator non erubeseit dicere)  
mentione factā, ea solum, quæ ad promovendam pacem summè necessaria  
erant, proposuit. Postmodum verò, cum iteratā vice tractatus abrum-  
perent Sveci, & licet optimæ ipsis offerentur conditiones, (quas ut assequi  
licet, nunquam obtinebunt) ita, ut, intra paucarum horarum spatium,  
Pax concludi potuisset, tamen in innocentia sanguine volutare, manusq;  
prædationibus & expilationibus implere potius, quam honestam & Chri-  
stianam amplecti Pacem maluerunt. Cum itaq; receptui canerent, Can-  
cellarius quoque Curlandia debito modo Regi valedixit, miserando fu-  
moperè infelicitatem & infructuosam reassumptorum tractatum ruptio-  
nem, ulterius instans, quoniam S. Majestati loco Pacis cruentum amplecti  
bellum placuisse! se nihilominus sperare, & nomine Domini & Princi-  
palis sui humillimè precari, ut S. R. Majestati placeret à Regina Christina  
obtentiam Neutralitatem fartam teatam servare, & idcirco ejus loci Cam-  
piductores & castrorum Præfectus sufficienti mandato instruere dignetur.  
Hæc à Rege fide facta promissa sunt, se nimirum Regni Thesaurario  
Magno Gabrieli de la Garde hoc munus injuncturum, ut nihil prosus  
Duci metuendum esset. Hæc & non alià ratione quantum nimirum lice-  
bat, & à Neutralitate alienum non erat, Regni tum temporis Cancella-  
rium de reciprocā amicitia & benevolentia assicuravit Cancellarius  
Curlandia.

Tum Comes à Lavenhaupt, statim ut Rigam vehit, Duce per offi-  
cium aliquem Magnum de adventu suo certiore facto, sibi à Rege man-  
datum, Ducem ejusdemq; Ducatum & Incolas, damno & incommodo  
immunem servare, exposuit. Accepto hoc nuntio latè (utpote vigore  
Neutralitatis profecto Dux, grates egit, offerendo vicissim animi pro-  
pensionem ad omnia Juri Neutralitatis conformia officia præstanda.  
Interim Paulus Helms Secretarius Status identidē & frequenter ad Duce  
venire jussus, id, cuius ante mentionem fecerat Cantersteinius Secretarius  
Regius, absolutum nempē Dominum, qua valebat blandiloquentia  
maximoperè deprædicavit; hoc fine, ut unā cum illis cooperaturus Dux  
in partes Svecicas transiret; à quo tamen maximè abhorrebat, optimum  
factu ratus obtenta Neutralitati firmiter & immotè inhærente.

Cum

Cum quoque brevi post Dominus Comes Magnus Gabriel de la Garde Generalissimus in Livoniā & Rigam venisset, Ducem de adventu suo præmonitum de Regis sui gratiâ, favore & animi propensione, perinde ut Comes à Lavenhaupt multis verborum lenocinijs, id ipsum contestando, certiore reddidit: quod ipsum Dux grato, ut par erat, animo agnoscit. Et hæc illa est consideratio, quam (ut Somniator autumat) sibi apud Svecicos Magnos Ministros, Regemq; ipsum Dux conciliavit cujus ope, exorto, belli incendio, se suumq; Ducatum ab omni offensione & onerum impositione liberaturus.

Verum sicuti sus, (ut proverbio dicitur) in sacco occultari non potest; ita ipsum discurrentem concedere oportet, quo animo candido scilicet & ingenuo omnia ista verborum ornamenta & oblationes factæ, profectæ fuerint, quidam contra Principem soverint. Tum ratio status dictabat Ducem, tanquam vasallum Regni Poloniae, respectu Terrarum, earundemq; situationis communicationem cum Lithuaniae & Samogitis habentium libertate & securitate frui non posse: opportere illum, ut auctorem scenæ interesse, i. e. Svecorum sequi partes. Item hoc per Paulum Helms, satis tempestivè, & antè offerebatur, quām Sveci in Lithuaniae arma movissent: Dux verò sua à Regina Christina, impetrata Neutralitatì perpetua simpliciter inhærens, nullo se modo ab eâ distrahi patiebatur, utpote cui nunquam in mentem venerat, apparentibus destitutus rationibus Svecorum obedientiæ se mancipandi Lithuaniae numeriq; deditiōnem sequendi (prout nugivendus sine fronte, & fundamento in cerebello suo venenosof hæc comminiscitur) siquidem tunc temporis Campiductor & Princeps Radziwilius, satis instructas contra Moschos, copias habebat, ipsiq; Sveci æquè ac Dux ipse subsecutam cladem, & hinc causatam deditiōnem Svecis non prævidere, tantum abest ut sua consilia super ea fundare potuerint, quin hanc potius Dux spem conceperit, Principem Radzivilium non solum moschorum sed & Svecorum viribus, quorum numerus vix 3. vel 4.000. æquabat, sufficienter resistere potuisse. Ex ea consideratione Sveci ulteriorem Duci molestiam facesse, & ad obedientiam compellere inconsultum esse arbitrabantur, sed effectivè sua Neutralitate gaudere concesserunt.

Cum verò adversa premeretur fortunâ Princeps Radzivilius ut pedem referre coactus, militibus frena obedientiæ exutientibus omni medio desti-

destitueretur , reliquam Mag: Due: Lithuaniae partem à Moschorum ingruentium viribus liberandi , tum Lithuania ( prout in ejusmodi extremitatibus usu venire solet ) existimabant , sibi à Svecis , qui tunc à latere stabant multum auxilij allatum iri , seque strenuos habituros defensores , si ad eorum Protectionem devolarent . Quo tandem post varios Tractatus & Svecorum magnas pollicitationes res devenit . Dux verò Curlandie , utpote nunquam vel à prædicto Principe Radzivilio vel Proceribus Mag: Duc: Lith: in consilium vocatus , sese ejusmodi rerum peregrinarum & minus ad se spectantium , nullo modo participem fecit , limites Neutralitatis suæ nec in minimis transgressus .

Cum itaque sibi persvasum haberent Sveci Lithuania jam totam à se absorptam ; ad solitam redire cantilenam , Duce de novo urgendo , ut se corum protectioni nolens volens subjiceret . Cum hoc quoq; flocci penderet Dux perpetuâ suâ Neutralitate , tanquam firmissimâ anchorâ nixus , (ad cuius ratificationem tamen nec affirmativè , nec negativè respondebant ,) ad novos illum primò Tractatus impellebant , in quibus tamen ea ratione quoque convenerunt , ut interposito brevi temporis spatio , summâ 50000 Talerorum solutâ , Duci Neutralitate suâ frui liceret , integrō contractu ad R. Majestatis ratificationem , certis modis & conditionibus postmodum à Rege obtentam , ( prout in Svecicâ fide uberioris deductu ,) missio . Cum tamen nihilominus ære soluto Suecorum arma æquè in Polonia atque in Prussia , magis magisq; feliciori succederent progressu ; Spe indubitatâ freti Sveci se , Regem suum in Regem Poloniae creatum , tanquam Septentrionalem Monarcham brevi reverturos , Posvolensis Transactionis eos oblivio cœpit , missio Regio Legato Skittio Mytoviana Principis sedem ; hic postquam à Duce propter respectum Regis sui omnis honoris cultu exceptus , ad Audientiam admitteretur , primò id proposuit , ut Svecicum aggredieretur lusum Dux , quippe caniculas tres canemq; ( ut appellant nigrum ) in manibus habentibus , impossibile esse ludum perdere posse ; promittendo ipsi Res magni momenti , & æquè ac Sathanas Christo Salvatori nostro Gloriam hujus mundi , absolutum , nempe toties dictum , Dominium , nomine Regis sui Duci conferendum , Magnumq; Ducatum Lithuaniae , Samogitiæ , Livoniæ & quicquid præterea in votis haberet , ostendendo . Verum Dux , ut Princeps prudentissimus , auribus Syrenum cantui occlusis perpetuâ impetrata Neutralitate , & Posvolenis pactis nixus , otiosum potius spectatorem , quam incertum lusorem ,

agere malebat: nullis interim correspondentijs, nullis artibus & technis  
(prout calumniosè Nugigerulus scribit) usus, neque cum Principe Rad-  
ziwilio, nec Lithvaniæ Proceribus & Moschisullo alio quicquam in occulto  
egit, nullisq; corundem negotijs, quo nomine veniant, nec per directum,  
nec indirectum sese immiscuit, Deo unicè & justissimæ Regis sui causæ  
confidens, firmis simâ spe fatus: (Cum tandem bona causa triumphet...;) Sac:  
Reg: Majestatē salva Corona & sceptro caput super hostes elaturam.  
Neminem itaq; tam obtusi ingenij esse autumo, ut Rabulæ hujus in vul-  
gus sparsis contumelijs, calumnijs, & otiosi Cerebelli commentis fidem  
habeat; donec authenticis documentis fidem verbis fecerit, quod dudum  
fecisset, si absque veritatis naufragio & divulgare licuisset, cum totum  
Ducis Archivum curiosa perscrutatos manu nil quicquam eorum latere  
potuerit; Verum æternū id probare non poterunt. Schoniæ licet men-  
daces vulpeculæ vastarum ædium in Curlandia abdita, & relictos cinerum  
cumulos perfodiāt; ejusdem tamen farinæ literas non repertum iri,  
certum est, quibus Nugator aliquis è Croneburgo in lucem missis prodit,  
ex singulare scil: Providentia Dei in Schoniâ per vulpeculam captam & in  
desolata Rustici casa è cineribus erutam, magni momenti consilia reve-  
lata esse.

Postquam Dominus Legatus Skitte per illices suos expositos, ut ut-  
svaye canerent; Duce in casses Sveticas pertrahendi in vanum labo-  
rasset; aliâ via rem agressus, Duce vi & minis eò compellere proposuit,  
ut Investituram eo, quô antea modo à Reg: Majestate & Regno Poloniæ  
collata esset, ex nunc & imposterum à Rege Sveciæ conferendam accepta-  
ret. Lolio interim discordiarum disseminato inter Dominum & subdi-  
tum, Duce & Nobiles, ut alterutram partem eò citius ad eos confugere,  
eorumq; auxiliū implorare oporteret. Verum Justissimus Deus, eluso  
Achitophelis consilio, tantum Negotijs faces sivit Svecis, ut de reconcili-  
ando Duce solliciti Neutralitate sua frui permitterent. Si quoconq;  
modocum Lithuanis & Samogitis, communicato invicem consilio collu-  
fisset; nihil factu facilius fuisset, quam Dominum Comitem de la Garde,  
Comitem à Lavenhaupt, & Dominum Legatum Skittium S. R. Mti. Po-  
loniæ, tanquam acceptum munus Warsawiam mittendos, retinere.  
Quod tamen Neutralitatis respectu in detrimentum sui candoris effectum  
dare noluit; sed omnes & singulos partim terrâ, partim aquâ, una cum  
aliquot centum officialium, quam gregariorum Militum equestrium &

pedestrium, qui è Lithuanâ in Curlandiam, tanquam tutissimum Portum confugerant, sufficienti instructos comitatu, securè demisit. Multos itidem illustris conditionis Nobiles captos, virilis & muliebris sexus, ad eorum petita, redemit, quo nomine tanquam Princeps Neutralis non exiguum amicitia signum contestatus est, quod meritò gratiori animo agnoscere decuisset.

Hinc factum, quod multi delegati Lithuanici, non, ad Principem, sed Legatum Skittium missi, Mytoviam venerint, & gravissimè de exorbitantijs à Sveco Milite perpessis conquesti, remedium petierint. Inter alios verò ingentes in Lithuanâ, & Samogitia, ut gente libera commissos excessus hi præcipui erant. Non solum pro luctu, in auditis & gravissimis contributionibus nullo habito respectu personarum impositis, per Rigenses quosdam belli Commissarios, ante halecibus vendendis occupatos, per vim Incolas affligebant, vexabant, & eà ratione ultimam fortunam guttulam exsugebant; sed æquè Officiarij, ac Gregarij Milites cùjuscunq; conditionis essent, quicquid vultureis oculis intuerentur, vel apud Nobiles, vel Cives, vel Rusticos; seu vestimenta, arma, equos, & si quid aliud esset, quod placeret, per vim auferrebat. Quid quod nec fœminæ & Virgines immunes essent: Nullus quippe honestæ vitæ maritus uxorem suam, filiam, & servam precibus redimere poterat; sed continuo audiebatur: Tu Polone, canis, scurra, & similia, meum hoc est, tu quoque, & quæ poissides measunt: Ut plures taceam excessus ubi honestis matronis & impuberibus non parcebatur, in templis & inter sacra pileis spoliebantur, mulieres è subsellijs protractæ, & denudatae, in terram projiciebantur; Sacerdotibus inter celebrations & consecrationem Missæ fumum Nicotianæ in oculos efflabant; calicem è manibus ejiciebant, ejusq; generis plures insolentias, quas hoc loco recensere impossibile est, nec fando auditum à Turcis & Tartaris unquam commissas esse, perpetrabant. Si forte quidam eminentioris conditionis, Officiarij, & Præfecti Provinciales ad Comitem Lavenhaupt, de crudelitate conquesturi venissent, ad audienciam admissi non sunt, sed respondebatur: Expectet ante foras scurra, non nullis eorum per Excubidores de scalis præcipitatis. Cum Mytoviam, ut ante dictum, ad Dominum Legatum venissent, non plus inde solatij reportabant, & contumelioso Asini ac stulti titulo (æquè ac Svecica ista mancipia huic titulo asveta) demissi, lachrymabundi domum revertebantur. Si aliquando dignioris conditionis sibiq; notos Officia-

rios ad epulas Dux invitaret; pro injuriâ & contumelia id reputabat. Legatus, existimans, non decere ejusmodi Scurras (licet Præpositus, seu iudex terrestris, sive signifer Provincialis esset) una cum Legato Regio mensæ assidere. Quicquid vel lachrymis querebantur, præsertim raptus, & per vim uxoribus & liberis illata stupra, contemptum cultus divini, profanationem templorum, cachinno excipiebat. Et quâ ratione in alios animadverteret, qui eodem vitio ipse laborabat, siquidem Senator hic & Baro, illustris cuiusdam Nobilis filiam unicam 12. annorum Virginem, ob formâ venustatem, parentibus per vimè manibus & oculis quasi erectam, pro Concubina sècum circumduxit: & quidem adeò omnem pudorem absterferat, ut non vereretur, toto illo, quo Mytoviæ commorabatur tempore, non habitâ ratione præsentia Illustrissimæ Personæ Principis, libidinis suæ cupiditatem explere. Tempa ædesq; sacras nihili faciebat, quia enim nulli addictus erat religioni, sacras ædes non majoris astimabat, quam suile, & (sit venia dictis) Lupinar ipsi acceptius Templo fuit. Lutheranam Religionem penitus despiciui habebat, Calvinianam oderat, & Catholicam toto animo aversabatur. Resurrectionem mortuorum, & futurum extremum Judicium non credebat, Principalis Maxima hæc erat: Ede, bibe, lude, post mortem nulla voluptas. Hinc illa Justitiae administratio!

Hæc vera illa scaturigo, unde omnes Svecorum res adversæ in Lithuania & Samogitiâ originem traxère: hinc justa vindicta, & subsequuta horrenda cædes (prout eam Declamator appellat) tanto se impetu effudit, ut rubrâ inundatione tot millia Svecorum capita supergressa, unius fermè diei spatio maxima eorum pars suffocata miserè interierit.

Moschum quod attinet, fatendum equidem est, multos à S. Car. Mte. Legatos, Tabularios quoque ad Ducem, partim de certis quibusdam Negotijs, partim securi transitus ergo missos; omni quâ decebat reverentia & civilitate, utpote tanti Monarchæ nuncios susceptos, per Ducatum comitari jussit Dux: certè non ex necessitate, minus vigore perpetuæ Neutralitatis tenebatur, antè à Domino Skittio veniam impetrare, quâm ejusmodi Legatos à quorum Principalibus itidem Neutralitatem obtainuerat, admitteret. Sufficit, nihil proorsus cum illis, vel quocunq; alio elanculum & oceultè à Duce actum, neque per Lithuanos tractatum esse quicquam impetrata à Svecis Neutralitati contrarium, vel quod ullo modo præjudicio & damno esse potuerit; Ut neque Neutralitati adversabatur, sed juri

gentium conforme erat; Regis Daniæ, Electoris Brandenburgicæ, Moschorum, Anglorum, aliorumq; Legatos, qui non in occulto latebant, sed publicè in Residentia Ducis comparebant, quocunq; placebat securè per Ducatum comitari.

Quod verò porrò urgeat Declamator, Duce cum illis collusisse, contra Svecos impulisse, omnia suis consilijs fomentasse, ignem, qui in Livonia parabatur, sufflasse; & quas præterea calumnias evomit, documentis hæc, ut antea dictum probanda sunt: In quibus abducendis si defecerit, non agrè ferat, si ad propositam ab illo quæstionem; Nonne verum fuit? responsuri sint pueri, non est verum, mentiris Domine.

Quod dixerit Dux: se à Moschis oblatum auxilium posse & nolle repudiare, ad hoc Domini Legati Urbanitas, & civilia Svecorum tractamenta Ducem impulerunt: Siquidem non solum Illustrissimos Principes impijs & impudentissimis verbis laceſſere, minis & contumelijs adoriri, verū Illustrissimam & nunquam non satis laudandam Ducissam, quæ toto ferè Orbe Judicet, respectum meretur reformare ausus, dicendo: Non opus esse tanto servitio tot Nobilium Virginum; duæ sufficerent, totidemq; puellæ. Nec Duci quoque tanto comitatu & apparatu aulæ necessè esse, satis superq; esse duos Nobiles habere, & par puerorum Nobilium; reliquos sumptus militiæ Svecicæ statuiq; Regis sui conservando, impendendos esse. Et quos præterea agrestes, & incultos protulit sermones: ut mirum non fuerit, si Dux ut generosus Princeps (modo per Respectum erga S.Majestatem Reg: licuisset) impatientiâ motus, tantam injuriam in Legato vindicasset.

Moschorum interim oblatum, & in omnem eventum sibi usui futurum auxilium, adversos illos, qui contra Neutralitatem quicquam obtrudere conarentur, neutiquam accepit; tantum abest, ut eo usus sit, nulli præterea Svecorum hosti munitionibus, pulvere nitrato, & plumbo auxilio fuit, & hæc ratione nullo modo contra Neutralitatem, quicquam egit.

Commeatum verò quod attinet, ipsimet Sveci initium fecere, non solum aliquoties annonam militarem in Ducatu pervim corradendo, sed Piltoviam usq;, tandem in Prüssiam pro lubitu quacunq; per Ducatum excurrente, omnia è Diametro Neutralitati repugnantia, & in Domini & subditorum ruinam vergentia; ut immanes qui intercesserunt taceant excessus.

Hæc illa urbana & civilia tractamenta, hic ille Affectus Regiæ gratiæ & favoris à Svecis Duci exhibitus: Inter quæ tamen optimum hoc erat, quod perpetua sua Neutralitate frui permitteretur Dux; verum, prout experientia docuit, Non tam libenter, quam reverenter, prout ipsemet Declamator in adducto satetur scripto; Demortuum Campiductorem Comitem à Lavenhaupt jam tum in Mandatis habuisse; proprius ad latus Ducis accedendi, & ad æquitatem compellendi, hoc est, elusâ Neutralitate Ducem pessundandi, nisi id tunc temporis, ut jam dictum Clementissimus avertisset Deus. Et tamen ad omnia hæc tacendum, & grates insuper agendas esse, existimant.

Omnis sibi illatas injurias patienti perpessus est animo, Dux laudissimus ut suā per diversissimos actus toties confirmatā Neutralitate frueretur; eā tam verbis, quam facto, una cum Illustrissima Conjuge usus Modestiā; ut nemo, quisquis sit, vere affirmare possit, ejusmodi contumeliosa verba (prout Cavillator & Rabula innuit) nec in Curlandia nec Regiomonti Borussorum à prudentissima Ducissa, unquam audita esse: tantum abest, (quamvis minus injustum fuisset) ut Serenissimum Fratrem à Parte Svecicā revocare laborarint: Siquidē S. Elect: Serenitas pro suā qua valet illustri prudentiā, ea, quæ ex re sibi futura essent, satis superq; intellectus, & præterea tot tantisq; instructus celeberrimis Ingenijs, non Illustrissimæ suæ sororis, utpote foeminei sexū consilio opus habuisse; ut taeciam, quam ab Illustrissimæ Ducissa solenti prudentiā alienum fuerit, sese rebus tanti momenti intricare, prout futuli huic iusimulationi singulari quādam Apologia sufficienter alibi responsum est. Verum, ille omnesq; qui in hoc passu alijsq; fictitijs his iusimulationibus inhærent, vah! quantum à veritatis tramite aberrantes, inspinatos mendacij sentes irritati incident; ut sagacissimis licet Electoris Saxoniæ canibus vestigia persequentibus, Svetica hæc animalia è latibulis propellere, difficile foret. Non secus cum Rabula hoc tam liberè & audacter calumniante, comparatum esse videtur; ut verè in illum quadret tritum illud: Qui semel Verrecundiæ fines transgressus est; illum oportet esse gnaviter impudentem: Quippe non acquiescens, se Ducem omnis culpæ expertum, fictitiis suis accusationibus, quas, obruiisse; sed præterea Cæsareæ, Regiæ & Electoralis dignitatis Personas obtrectare, & venenosō calamo perstringere, impudenter audet: cum minimè ut privatum de Magnatum & Principum actionibus judicium ferre, sed potius tacere decuisset,

Sere-

Serenissimus Elector Brandenburgicus in ærumnabili hoc bello se  
Principem fortissimum, sibiq; à Deo concreditarum Provinciarum stre-  
num Conservatorem semper gesit: cum vero à Svecis contra sanctam  
semel pactionem derelictus, irreparabile in Prussiam caperet damnum;  
nullo certi Juris Vinculo obstrictus tenebatur, se in Svecorum gratiam,  
prout Ragotzio evenerat, Regionibus, proprijs aris, & focis expulsum,  
victoris iusta operiri, siquidem Electoralis suæ Celsitudinis actiones Orbi  
terrarum abunde innotuerunt; adeò ut his Tenebrio quoque acquiescere  
possit. Interim, quoniam ulterius instat, Ducem Curlandiae in vilipen-  
dium Fortunæ Svecicæ, Independentiæ scopum, fortassis etiam ambitum  
antehac Lithuaniae & Samogitiæ Generalatum consequendum, & quidem  
ultimum hoc forte peculij ad instar, & nefcio, quænam Livonica Regna,  
sicut ipsa Thrasonis verba sonant, appetiisse: similiter hoc quadrat & con-  
cluditur, ut si aliquis colligere vellet: Fortassis Nugigerulus iste incertus  
& commentitij famosi hujus libelli concipiista, stolidus est: ergone illud  
verum? Ejusmodi res, Amice, de Principibus, terrarumq; Dominis non  
præsumendæ, sed firmis rationibus probandæ sunt: Si enim Præsumptio-  
nibus judicare licet, quis innocens erit?

Anglicum Legatum quod concernit, non is ad Duxem missus erat,  
nec Cursandiam, sed Rigam petierat, nec illinc ad Duxem Curlandiae; sed  
in Moscoviam, ibidem Comissa sibi exequuturus, amandatus erat.  
Cur ergo pedem non protulit? Curtunc temporis Generalitas Svecica,  
quoniam de ipsius salute imprimis agi videbatur, quod huic à Czareâ  
Majestate accessus fuerit permisus non urgebant? Quod si illud Dux im-  
pedivit? probetur: sin minus, cur ergo falso accusatur? haecce est gra-  
tia Duci debita? qui Legatum Czarij resolutionem sumptibus plus nimio  
diuturnis Rigæ expectantem, indeq; non invitatum sed sponte suâ ad se-  
venientem, tantâ humanitate lauto & liberali, proratione loci, hospitio  
per semestre exceptum, & quod excurrit, hospitaliter tractavit.

Nullam causam habuit, de eorum negotijs sollicitum esse, sed qvan-  
tum potuit, sibi ab illis, quoniam aliena erant cavens, ijsdem se intricare  
noluit. Interim quoties Legatus ad Palatinum Moscoviticum literas  
daturus erat, ad transferendas easdem tabelliones concessit, qvandoq;  
etiam eos, quos ablegaverat devehendos curavit. Verum, ut Dux Legato  
vel Palatino Tabellarium sese offerret, res Duci indigna, quippe qui præfati  
Naszokin Secretarium Piontkowski, quamprimum accelerat, citra-

ullam moram , Legatum novis celestibus instructum , subsequi curavit .  
Verum quoniam Legatus Anglicus Moscovitæ Resolutionem diutius ex-  
pectare nolens , initio Grubinum Domum Dualem & deniq; in Prussiam  
sese recepit ; Duci porrò non constat , an prænominatus Secretarius ad  
illum venerit ; an etiam mandato quodam instructus fuerit , nec ne .

Optimus Princeps , secundum notoriam suam Prudentiam erga Le-  
gatum de statu Svecico nec ipsis finistrè sensit nec per suos in Auglia sen-  
tire jus sit ; nulli prorsus , quod Coronæ Svecicæ suspectum vel noxiū  
esse posit , negotio implicitus ; quapropter rabula iste , eum contrarium &  
quicquid alias à stapulâ , & negotijs Anglicis Mytaviam deportandis , asse-  
rat ; vel probare , vel ad rubedinem usq; pudeſieri tenetur , Commenta reli-  
qua sine ullo fundamento , ab eodem tam audacter allegata , responsione  
indigna censemus , imprimis , cum nullatenus speremus , supradictum  
Dominum Legatum commentitia hujus relationis , autorem esse .

Hoc autem imprimis admirandum , qui tam temerè homo hic scri-  
bere audeat , Duce in ter Svecos & Moscovitas se Mediatorem obtulisse ;  
quod commentum inter alia maximè est inverecundum , & contrarium  
è paulo antepositis elucescit .

Pacem Svecorum cum Moschis Dux nec promovit , nec impedivit ;  
quippe cujus partium non erat , ejusmodi negotijs sese involvere : ne ce-  
propter Legatos ad Czarem , ut falso dicitur , sed interpretem suum , Mer-  
catorem Rigensem , hominem simplicem , ablegabat & in gratitudinis tes-  
seram , quod S. Majestas , sibi suoq; Ducatu concessæ semel Neutralitatis ,  
hucusq; fuisset servantissima , pulchrum pretiosumq; tentorium obtulit ,  
annexo petito , ut hac Neutralitate porrò fruiliceret .

Somnia quod concernit , de Ducis , Naszczokini , & Gonsewsky  
Triumviratu ; istiusmodi molitio Duci nunquam in mentem venit ;  
quod sufficienter , ut putamus demonstratum est . Domini Naszczokin-  
& Gonsiewski verò scipios excusare noverint . Summa : Qui pure Sve-  
cicus esse recusat , is ab ejuscemodi hominibus omnis perfidia est insimu-  
landus . Cæterum Duci exprobatur Dominum Gonsiewski scil: & con-  
nivente & auxiliante Curlandia Duee in Livoniam commæſſe ; Et quam-  
vis nec hoc fuerit probatum , sciendum tamen ; Dominum Gonsiewski ,  
cum Dux Goldingæ commoraretur , tacite priusquam vel ullus esset de-  
ipso adventante rumor , observato tamen transitu , antea cum Comite  
Magno inito ; Dunam Palatinę Naszczokini opera ferente trajecisse ;  
cirat

citram omnem Ducus notitiam , alimentorumq; præstationem , usque dum Dominus Gonsiewski Legionibus quibusdam prope civitatem Rigam circum circa dispositis , literasq; ad Ducem datis , pro Exercitu annonam postularet , quam , si Dux recusaret , milites , violenta manu fore allatueros . Quod si ergo licitum erat Domino Lawenhauptio , propè Radziviliski pedem figenti , Exercitui ex universa Semigallia ad lubitum Præfecti annæ , commeatum adportare , quod tamen Neutralitatis Instrumento non insertum ; qui ergo injustum esset , quod proprietarij Domini & Reip. Copijs necessaria suppeditata fuerit annona , & postmodum binâ vice Exercitui Lithuanico propè Bauskum bonis tamen modis , impertita ; & illud ex hoc fundamento , quod antea Svecis multoties plus annona erogatum esset .

Quæ alias à Moscoviticis Commissarijs , nomine Majestatis Czarriæ , quæque à Palatino Naszokin , de Duce conquesto dicta feruntur ; hæc omnia Svecica sunt figmenta , & nunquam probari poterunt . Præterea certum est , nec Czarriæ Majestatis Commissarios subcelso ejusdem nomine , per Palatinum Naszokin sermones ejusmodi fictitious miscere potuisse : contrarium quippe & hoc appareat ; quod in primis Armistitij tricennialis tractatibus Palatinus Naszokin , nomine Czarriæ Majestatis , Ducus in integrum restitutionem constanter urserit ; quæ à parte Svecorum promissa quidem , pro inveterata autem apud illos consuetudine , non servata est .

Ex his omnibus , cuilibet , in neutram partem inclinanti , evidenter appetat ; quantoperè Svecorum more culpam in partem offensam transferendo , nefandum hoc Christianoq; in dignum facinus , omnivario prætextu colorando , universo Orbi monstrum sub specioso titulo ostendendo , desudatum sit : ut vel nemo aliud crederet , quām illos verè religiosos & Christians , benē sibi consciōs , nulli injuriosos , optimum verò Ducem impensè alias afflictum hāc ratione etiam culpandum , ludibrioq; exponendum esse .

Ulterius scribit Rabula hic Regi Sveciæ ad tam periculosam correspondientiam præcavendam , satis causæ habuisse , Ducem ad tempus incustodiā abducendi ; non animo nocendi , sed à malo quasi abstrahendi ; Egregia sanè Protestatio actui contraria ! Ut vos Deus perdat , dignamq; labore mercedem solvat , quia alias beneficia gratis non exhibetis .

Porrò inquit, nihil prorsus de pretiosis Duci subtractum, sed omnia  
relicta esse: Si Dijs placet! cum non solum universo Ducatu est exutus,  
in quo ita dispositum, & pro lubitu aëtum & factum, omnes Reditus de-  
facto sublati aliquot mille lastæ frumentorum, tot naves, & mobilia è Præ-  
fecturis abducta, inò tota Principis Crojensis massa hæreditaria, quam  
100000. Imperialium summam superantem, piæ memoriae, Curlandiæ  
Principis Vidua Domina Elisabetha Magdalena nata Ducissa Stetini Po-  
meranorum in arce Döblehn reliquerit, quæ in unam computata plus-  
quam in Millionis quantitatem excrescunt, vi sublata sint. Duci generosi  
equi, carpenta, abrepti. Nonne hæc pretiosa sunt? Profecto non arengæ,  
vel alij pisces fustuarij. Quæ omnia si ad certam redigantur summam,  
Auri aliquot tonnas exæquarent; exceptis illis, quæ postmodum è Duci  
& Ducissæ relictis, consignatisq; conclavibus Duglassius Rigam deportari  
jussit; Et quod maximè detestandum, si tanta erga Ducem benevolentia  
erat? cur ergo in Ecclesijs honestisq; conventibus, nominis ejus recor-  
datio penitus interdicta, quasi è hominum memoria abolienda? Hinc  
liquet, omnes illorum conatus & actiones meras fraudes & circumventio-  
nes esse. Et hi sunt Svetici illi fructus, quorum postquam maturuere, com-  
mesturo mortem consiscit. Porrò Regem inquit: Commissum à Dou-  
glassio in Principem processum improbare; sed audi quisquis es, si hoc ve-  
rum? quare Rex displicentiam suam in Douglassio non ipso opere con-  
testatur, aliàs non tam parcus est in projiciendis hominum capitibus, ve-  
luti spheris, sed videtur facti ipsum pudere.

Pergit Tenebrio interrogando: Quare Duci Riga aliò commigran-  
dum fuerit? nimirum quod non habitâ ratione tam civilis tractationis  
non prætermiserit Dux seditiones in Curlandiâ concitare; cum quibus  
non minus colluctandum fuit. Verum quodnam hujus dicterij funda-  
mentum? vel quonam tempore hoc factum; vel si factum; an omnino in-  
justum? Vindicta enim est juris naturalis, queritur autem, postquam à  
Douglassio ad locum tam ignobilem & ignominiosum, in quo omnes ipsi,  
ad correspondendum via præclusa deductus esset; quis tunc temporis  
Polonus Prussosq; concitaverit? Douglassum putativum Curlandiæ Du-  
cem è Curlandia & Semigallia tam celeri fugâ profligarent: quis Schwartz-  
hoffium pariter, & coecum Valentiaum (prout illum Sveci appellant)  
insectari Douglassum jussit? qui ipsi ad Rigam usque comites extremam  
dedere

dedere unctionem? Justo id Dei judicio factum, unico illos & residuo  
quod tenent fortalitio Bauske, eliminaturo, & desolatam carissimam  
tamen Deo terram, à Basilide olim sic nominatum, à Sveticis illis insectis  
purgaturo & liberaturo.

Et parum tibi actionem hanc cerussanti adminiculantur Exempla &  
similia allegata, Legislatores enim: Non Exemplis sed legibus judican-  
dum esse statuunt. Verum itaq; & indubitatum permanet, optimum  
omniq; culpa vacantem Ducem, unacum illustrissima conjuge omniq;  
Ducali familia, Deo invitò, legibus omnibus prohibentibus, contradicente  
fide, manu & sigillo, dolosè & fraudulenter captivatum, è Ducali sede sua,  
Ducatuq; in custodiam abductum esse; ita ut facinus hoc nefandum à  
nemine defendi nec ullo tegumento vestiri possit.

Ut tamen, detracta nefando huic facinori larvâ, & super inducto illo  
varijs caloribus picto operimento retecto; potissimæ Causæ, quibus Rex  
Sveciæ ad ejusmodi detestandum Suæq; Regia Majestate laudatissima  
Generositate, humanitate mansuetudine, & justitia indignum facinus  
impulsus; cuiilibet cognitæ sint, paulo sequentes erunt. Regni Svecici  
Status hodiernis imprimis temporibus ita comparatum esse, constat,  
quod Regni non inferioribus, sed præcipuis, etiamsi ab his, intuitu po-  
tentia & redditum multis distet parasangis; annumerari velit; hinc fa-  
ctum, ut, cum prioribus diuturnioribus germaniæ bellis Præfectos & Of-  
ficiarios magnos compensandi medijs Regnum destitutum, superbis eos  
titulis donarint, plures creando Comites & Barones, quam Universa  
Svecia Nobiles haberet.

Isti ergo Titulum absque Vitulo conseqyuti, Romani Imperij Co-  
mitibus nihil cedentes, Comitatus & Baronatus suos pari cum illis passi  
ambulare voluerunt, felici quidem successu, usq; dum Germanorum de-  
licita nondum absorpta esset: Quibus verò consumptis, & novo in Sve-  
cia Cœparum-Comitatulo tantos sumptus non subministrante, ceu fame-  
lici Lupi, circumspicientes, an quicquam aucupandum esset, ut vel simili,  
quo antehac in Germaniâ, & olim contra Moschos feliciter successit mo-  
do, rapias illud, & capias exercere possent. Primò se Poloniæ regnum,  
illiq; adjacentes Provinciæ offerebant quamvis earundem portæ & reces-  
sus firmo sexvicennalis armistitij repagulo obserati essent; tamen, hi Lupi  
per limen Cuniculos agentes, Januâ & pessulis contractis, appetitum &

stomachos jejunos, loco piscium fustuariorum, optimis & pinguibus caponibus farcire ordiebantur, splendidis Capitaneatibus amplisq; peculijs ad se raptis, prædando & spoliando insigniter; cùm verò illud à stomacho, vix decoctum, evomituri essent; oculis in Curlandiae Ducatum conjectis, adeo suis affectibus indulgebant, ut id sibi solum negotij datū viderentur, splendidam hanc nobilemq; Provinciam suā potestati, jurisdictioni vel, ut vocant, devotioni subjecere. Erat equidem hæc Provincia & Ducatus perpetuo à Christina Reginâ concessio Neutralitatis jure firmiter obserata; optimus quippe Princeps, illiusq; subditi huic confidebant. Verum sicut hilipi sexvicensimalis Armistitij Portam vi & fraude defringebant, similiter & hic factum. Initio Neutralitatem illam, omnis generis inventionibus, novis actionibus mundanæq; gloriae representationibus, magis promissis suffodiebant, utrum Duce m̄ bonis modis allegetare, ipsiq; tragulam injicere possent? & hoc frustrati medio, violenter irrumpebant, & datos Regia manu salvos Conductus, & jurejurando promissa rejiciebant, prout de his plura in fide Svecicā extant & uberioris hæc deduc̄ta sunt.

Ac primum illos ad hæc ipsius loci situatio impellebat siquidem avidâ mente Maris Balthici Dominiū expetebant, quò, omni tempore tuta illis ad Ducatum Borussiæ esset reflexio, tandemq; pro lubitū ad obruendam Lithuaniam patulæ ipsis darentur fores.

Secundò, opima, præda, quam tota totius Regionis Nobilitas, ut & quam plurimi Lithuani aliquot ante annos in arcem Ducalem conjectam, ibidem Moschorum irruptionem Veriti se posuerant, de quibus per Exploratorem Crusium, tum temporis Mytoviæ residentem, & curiosè hæc observantem certiores facti, ferventi hujus rapinæ desiderio aestuabant.

Tertiò, non illos latebat, in hocce Ducatu egregios florere Nobiles, qui ateneris tam intra, quam extra Patriam armis assueti, se Viros præstiterē, quorum fortitudinem officiaq; promptissima in bellis Germanicis ipsimet experti. Ipsa Regio, divinâ quadam gratiâ, Ducis etiam curâ & providentiâ tam Germanis, quam Rusticis Indigenis satis populosa erat. Status Oeconomicus in Universa Regione optimè erat constitutus. Maxima pars Nobilium pingvibus prædijs habitabat, quorum redditus, viginti & triginta millia florenum, partim magis, partim minus æquabant; Civitates utur, aspectu parvæ & mediocres, mercaturæ & negotiationibus operam dantes nummis & victu abundabant: Hæc omnia cum Svecis arridebant.

derent, pudore omni absterto opportunum rati sunt, illud vulgare exercere; sive raptum, sive captum, modò mihi sit aptum.

Svetici Statistæ rem ad calculos revocato, sibi pollicebantur, ex ijs, Mytoviam, Bauskum, Doblenum inq; alias civitatis congestis bonis, non solum stipendia Militibus debita, persolvi, sed defectum Exercitus completri, novos conscribi, & egregium formari Exercitum posse Nobilium itidem insvetis duplicibus, imò triplicibus servittibus Equitum, pariter etiam Dimachis usuri: Nobilibus verò primarijs officijs præfectis, veterem tandem intonandam cantilenam: Veteres migrate coloni. Cives & rusticos conscribendos, nolentes compellendos esse, Principis Nobiliumq; prædijs contributiones imponendæ, opimiora prædia, caduca & pro lu-  
bitu donativa declaranda & hac ratione media nunquam defutura satisfa-  
ciendi præfectis, & formandi Exercitus viginti millium virorum, quibus initio non Lithuania sed Prussiam adoriri, & Electori, (cum Exercitu Cæsareano & Unitorum Holsatiam, & Judlandiam expellendorum Svecorum gratia petenti,) diversionem facere, animus erat; Quibus Wurtzias è Pomerania adunitis sibi & corrasis copijs sese adjungeret & Electorem adoriri decreverant. Verum hunc Conatum & Actum perducere ipsis, videbatur impossibile, antequam Mytaviam totumq; Ducatum subiugassent cum neque robore Exercitus prout tunc temporis erat, id assuequi liceret; Id circò Douglassius & Helnfeld sincerationibus, Assecurationibus, execrationibus Ducem securitati donare, & sub hoc prætextu tam fraudulenter Arcem urbemq; occupare optimè noverant. Quia verò nihilominus Principis præsentia illorum Conatui contrariari videbatur, præsertim cum Dux quamvis captivis se Svecis subjicere minimè vellet, compelle intrare in ipsum exercebant, optimum Ducem una cum laudatissima Conjuge, liberis, totaq; familia in Scapham conjectos, primum Rigam abducendo periculum facturi interea, num primò Consiliarios & per Consiliarios Ducem, cum Nobilitate ad Sveticas partes pertrahere possent, si quidem satis intellexerant, Ducem partes eortum amplexum majori efficacia & effectu ad metam pervenienti ipsis, cooperari posse; Cum verò hoc quoque consilium falleret, laudatissima Familia à bellatoribus quibusvis satis ærumnarum antea perpessa, in nullum tamen injuria omnibus liberalis & aqua Rigam, inde ad Svecoru ergastulu ac Sophronisterium, Ivano-  
grodum deducenda erat?

Hoc factio, horrenda publicabant decreta , igne , gladijs , Sanguine , alijsq; tormentis referta, quibus Nobiles ad Sveciam devotionem compellentes, à fidelitate, quae legitimo atque à Deo ipsis ordinato Magistratui Patriæq; erant obstricti , serio dehortabantur , rusticis mandando, ut inobedientes Dominos suos, pro infensissimis hostibus haberent, hoc est, occiderent, jugularent , in premium tanti laboris ipsis insignia promittebantur privilegia ; Utq; Rusticos ad tantam crudelitatem eo magis promptiores rediderent. Douglassius stylum Calendarij Juliani introducebat, tanquam Jacobæam Sealam, quâ ejusmodi latrones una cum jussoribus longèq; celeberimus Evangelicæ Religionis Defensoribus cœlum ascendere possent, prout hæc omnia ex annexo eorum Vniversalí, quod jam in promptu haberi potuit, pluribus cognosci potest.

Hæ veræ & Principaliores causæ sunt detestandi Processus contra, optimu'm pacisq; amantissimum Curoniæ Ducem, qui bona fide cum illis, cohabitans venenosas serpentes quasi in sinu suo sub detestabili Neutralitatis specie fovit, Hæc illa gratia pro tantis beneficijs & officijs, Sveciæ Legatis, Generalibus , superioribus & inferioribus Ministris imò in genere omnibus iter facientibus liberaliter exhibitis, quod non tantum Ducem, captivitati dederint. Ducatu privarint, omnia devastaverint, prædaverint, multa prædia Nobilia peregrinis donaverint, sed etiam propter Diœcesin Piltensem Regis Sveciæ scitu & consensu à Duce plus, quam 50000. Imperial, extorserint , & quamvis Eviçio sanctè fuerit subscripta, nihilominus tamen ad se rapuerint & devastaverint. En Syecorum beneficia, hæc est gloria tam glorioſi Regis remuneratio , ita sanctè , imò jurejurando promissa manus, sigillum & fides servantur,

Hinc mirum non esset, si Creaturæ irrationales de Svecorum perfidia ad Deum suspiria emittant, ut Samsonis Vulpes in justam Vindictam Re gno Sveciæ immisæ, Bona, domosq; eorum in cinerum acervos mutando par pari referrent; Justissimus quippe Deus aliqua ex parte in Livonia, Ingria, alijsq; locis iræ suæ divinæ teste jam declarato , imposterum poenarum mensuram explere noverit.

Judicet ergo quilibet , cui oculi & sensus Svecici affectus nebulâ non sunt obducti. Iudicet sincerè Univerſus terrarum Orbis. Iudicet laudissima Regina Christina, de his tam celebratissimis Christianis, qui coram hominibus adeo se purgare , & Innocentiam & sanctitatem jactitare norūt,

ac si meram haussissent aquam lustralem ; quam crudelissime & barbarè cum Innocentissimo & piissimo Duce, Illiusq; è tam amplissima familia prognatā virtuosissimā conjugē, dulcissimisq; liberis egerint , & quam irreverenter præludatisimā Reginae subscriptio , & Sigillum à Successore in gratiarum actionem pro coronā, Sceptroq; sponte oblato habita & observata sit.

Sac. Reg. Majestatis Sveciæ Consiliarius intimus, Generalis Campi-Mareschallus & Consiliarius bellicus

Robertus Douglas.

**O**mibus & Singulis Provincia Incolis sufficienter notum & manifestum est, quā ratione Sac: Regia Majestas Dominus & Rex noster Clementissimus , gravissimis de causis Ducatus Curlandia Fortalitia, ut & illustrissima Celsitudinis Personam custodia asservare coactus , & mediante divino auxilio illa intentio ad Effectum deductā fuerit. Spem quidem conceperamus, Incolas ante publicato Universali, utpote Evangelicos obsecuturos , predicta R. Majestati Christianissimi & Evangelici Regis jurisdictioni se subjecturos & in hujus Provincia tranquillitatem conditiones commodas arrepturos esse. Quia vero Curlandici & Semigallici Nobiles non habitā ratione favoris , sua Religionis addictis alias debiti , in Patria ruinam Lithuaniae & Samogitas , qui alias fines & terminos Patria non transgressi essent , hanc in Regionem adducere , conati ipsi primi Regi Svecia Praesidiarios in Dobleno & Neoburgo obsidere & oppugnare ausi sunt ; & eāse ratione Reg. Majestatis & Corona Svecia hostes declararunt. Inde sufficienes tandem suppetunt rationes , pronominatos Nobiles ceu publicos hostes more bellico hostiliter tractandi , & summo iure adversus illos agendi. Quia vero sibi nominata Reg. Majestas , omnesq; ejusdem Ministri , neq; Christiani sanguinis effusione , neq; aliarum Regionum devastatione delectantur ; Idecirco , quantum in nobis , quantumq; fieri potest cruentosam in hac Evangelica Provincia sanguini profusionem declinare tentamus. Quapropter iteratā & superflua vice omnes & singulos pronominatos Ducatus hujus Curlandia & Semigallia Incolas , tam Nobiles , quam Officiarios & Cives serio , benivolentissime tamen abortamur ; ut illi , qui praserit falsa persuasione ad sedi-

tionem commoti sunt, sibi paratam adhuc Regis gratiam amplectantur, & circa  
moram saepius laudata R. Majestatis Svecia protectione acceptata perditissimo pro-  
posito illorum qui rebelles totam Provinciam funditus pervertere conantur, non annun-  
tiantes, sed quantum fieri poterit, illius resistentes, quam ocyus ad nos redeant. Ea  
ratione omnis Regia benevolentia, bonorum conservationis, omniumq; immunita-  
tum certiores esse possunt. Vulgus etiam Rusticum serio monere volumus, ut a mili-  
tum nostrorum Jugulatione abstineant, nullang; Nobilibus refractoriis in tam hostile  
proposito obedientiam praestent; Nomine S. Reg. Maj. Svecia promittentes subditis  
seu Rusticis illis, qui Nobiles, rebelles tanquam hostes S. R. Majestatis & Corona  
Svecia armata manu aggressos, illos vive vivos, vive occisos ad commissum Nobis Exer-  
citum ducturi sunt, libertatis privilegia concessuros. Deniq; nomine saepius dicta  
Reg. Majestatis Regis ac Domini nostri Clementissimi, omnibus reverendis Ecclesia  
Christi Ministris porro notum facimus, ut Juliani Calendarij, usq; uti in alijs  
R. Majestatis omnibusq; Evangelicis Provincys, in hanc etiam Regionem introduca-  
tur, & ex nunc Gregorianum abrogetur. Quod cuig; dictum esto! Confirmationis  
ergo manu propriâ subscripsimus, conservetq; nostro Sigillo obsignavimus.

Datum Mytavia 4. Decembr. Anno 1658.

Robert Douglas.

L. S.

